

Lus Nthuav Tseem Ntsiab

Pab Tswj Hwm Minneapolis Cov Tiaj Ua si thiab Chaw Ua Si txoj kev xam pom rau yav tom ntej yog hwm txuag av thiab coj neeg mus rau tej av thiab mus sib ua ke. Minneapolis txoj kev tswj tiaj ua si no yuav cob lub zos tus kuj pwm thiab txhim kho peb cov pej xeem lub neej kom zoo xis nyob los ntawm cov tiaj ua si thiab chaw ua si zoo. Raws li txoj kev coj los ntawm cov thawj coj rau tiaj ua si thiab tswv yim los ntawm cov pej xeem, cov qhua tuaj xyuas, cov neeg ua hauj lwm thiab cov nom tswv sawv daws ua ke txhawb tsim tau lub tswv yim no.

Txoj Kev Ruaj Siab thiab Nthuav Kev Sib Cuag

Thaum 2005, tau muab ob lub xyoo los npaj lub tswv yim no tiav. Tsib kauj ruam los tsim lub tswv yim yog:

- Theem I – Kev Soj Ntsuam (Hnub no peb nyob rau qhov twg?)
- Theem II – Nthuav Kev Sib Cuag thiab Kev Tshawb Fawb (Tam sim no cov pej xeem xav tau dab tsi thiab yuav tsum muaj dab tsi thiab cov seem ua neeg hloov zuj zus yog dab tsi?)
- Theem III – Kev Tsim Lub Tsim Yim (Raws li paub, xav kom tshwm sim zoo li cas?)
- Theem IV – Teeb Cov Tseem Ceeb thiab Kev Txiaiv Txim (Cov tseem ceeb yog dab tsi thiab pej xeem nyiam li cas rau yav ib ntus thiab nyiam dab tsi kom kav ntev mus?)
- Theem V – Kev Siv Lub Tswv Yim (Yuav faib yam nyiaj txiag dab tsi thiaj mus cuag cov hom phiaj?)

Lub tswv yim no cim peb txoj hauj lwm ua tiav thawj peb theem ntawm cov kauj ruam. Ze li 4,000 leej neeg pej xeem, neeg qhua tuaj xyuas, thiab cov nom tswv tej tswv yim sib pab los tsim lub tswv yim no thiab tshaj 100 tus neeg ua hauj lwm mus ib ntus los yog mus ntau ntu ntawm cov kauj ruam tsim lub tswv yim.

Thaum Theem I, cov neeg ua hauj lwm mus sau cov ncauj lus txog lub koom haum zoo li cas, cov neeg zoo li cas thiab cov kev pab thiab kev txhawb yog dab tsi. Ib pab neeg ua hauj lwm twg tsi ntsees tsim cov txheej txheem los yog tswv yim uas yeej rov hloov tshiab tau tas li thiab yuav pab tau kom txoj kev tswj xyuas tiaj ua si siv tau cov ncauj lus no rau kev tuav tswv yim lawm yav tom ntej. Tsim muaj rau pab neeg ntxiv rau theem soj ntsuam – kev muaj ncauj lus hauv hluav taws xob, kev ruaj ntseg, kev tuav tswv yim, nthuav kev sib cuag nrog zej zog thiab kev tshawb fawb, kev soj ntsuam thiab txuj ci tsim yam zoo saib, thiab dab neeg keeb kwm. Ntau cov pab neeg no yuav ua hauj lwm mus kom dhau lub caij npaj tiav lub tswv yim. Cov pab neeg no muaj cov tsi xyuas kom tau tag tej khoom zoo nkauj thiab cov dab neeg keeb kwm rau lub chaw tswj tiaj ua si kom npaj tau lub tswv yim ruaj nrees.

Thaum pib Theem II thaum lub caij nplooj ntoos zeeg hauv xyoo 2006, pab neeg nthuav kev sib cuag thiab pab neeg tshawb fawb muab lub caij rau tag nrho cov pej xeem hauv lub zos, cov neeg siv cov tiaj ua si, thiab cov nom tswv hauv zos tuaj qhia lawv tej kev xav txog lawv cov kev xav tau los ntawm lub tiaj ua si thiab chaw ua si. Cov kauj ruam muaj ib cov nqe lus nug xa mus rau 172,300 lub tsev neeg hauv Minneapolis, teeb muaj xya lub rooj sib tham nrog pej xeem, nees nkaum lub rooj sib tham txog tiaj ua si thiab chaw ua si, peb lub sij hawm qhia tswv yim ua neeg coj noj coj ua hauv zej zog thiab hu xov tooj mus nug tham nrog neeg pej xeem. Lub hom phiaj yog xyuas kom paub pej xeem cov kev xav tau los ntawm lub tiaj ua si thiab chaw ua si tshaj plaws.

Tom qab mloog zoo zoo tag thiab muab cov lus hnov tag coj los xav, peb pom tias lub zej zog xav tau cov nram no:

- Kev zoo uas kom muaj me nyuam thiab cov hluas koom nrog

- Tiv thaiv thiab muaj sij hawm nyob nrog ncig tej ib txhis xeeb txawm muaj
- Nrhiav kev noj qab haus huv thiab lub cev zoo muaj zog
- Tswj kom cov tiaj ua si huv si thiab tu kom du dais
- Muab cov tiaj ua si kom zoo ruaj ntseg

Txoj Hau Kev

Thawm nkaus thawj ob theem, cov tswj dej num commissioner koom ua hauj lwm nrog. Cov thawj tswj dej num commissioner qhia txog lawv cov kev xav pom ntawm txoj kev tswj xyuas tiaj ua si yav tom ntej thiab qhia cov kev tseem ceeb uas lub koom haum ntseeg thiab tus kuj pwm ua cov dej num. Txoj hau kev uas lawv teeb los koj yog teeb raws li pom muaj hauv zej zog thiab pom hauv txoj kev tshawb fawb. Cov hau kev muaj xws li:

Ua lub koom haum ruaj nrees

Thaum xav txog cov hauj lwm uas Pab Tswj Hwm Minneapolis Cov Tiaj Ua si thiab Chaw ua si yuav tau ua, txoj kev ruaj nrees yog thawj qhov hauj lwm. Qhov ntawd yog yuav tau sib tham txog cov kev xav tau ntawm cov tiaj ua si thiab chaw ua si tam sim no yam uas tsis txwv cov tiam neeg yav tom ntej kom ua tau li lawv siab nyiam uas yeej tseem tswj ib puag ncig zoo, kev lag luam, thiab cov yam muaj nuj nqis. Lub tswv yim no yuav tsum muaj cov kev tsim thiab kev ua cov dej num kom muaj kev ruaj nrees uas qhia tseeb seb txoj kev ruaj nrees no muaj feem xyuam li cas rau txoj kev tswj xyuas cov tiaj ua si txhua hnuv.

Muab hav zoov hauv zos, cov chaw ib txhis xeeb txawm muaj, thiab cov dej uas nyiaj taus thiab zoo

Av, ntoo thiab dej—yog cov tseem ceeb ntawm cov tiaj ua si—yuav tsum tso nyiaj txiag rau thiab saib xyuas. Kom tiv thaiv tau zoo rau tag nrho lub zos, tag nrho cov pej xeem yuav tsum muaj feem xyuam tau tej kev zoo lawm yav tom ntej thiab muaj txoj luag num nrog saib xyuas zoo. Pab Tswj Hwm Minneapolis Cov Tiaj Ua Si thiab Chaw Ua Si ruaj siab yuav koj ua tus pab tswj tej yeej ib txhis xeeb txawm muaj, koj tib neeg mus xyuas cuag tej chaw ib ncig uas ib txhis xeeb txawm muaj thiab tswj txoj kev pej xeem nrog saib xyuas. Lub tswv yim teeb qhia zoo zoo txog cov hom phiaj thiab cov tswv yim uas yuav tsum muaj neeg zoo heev los tswj tej ib txhis xeeb txawm muaj hauv cov tiaj ua si thiab chaw ua si, tsim kev pab kom koj tib neeg mus rau tej chaw puag ncig uas ib txhis xeeb txawm muaj, kev tiv thaiv thiab saib xyuas cov ntoo ntawm kev thiab tsim kev sib koom tes kom koj mus cuag cov hom phiaj tiv thaiv cov ib txhis xeeb txawm muaj thiab koj neeg mus rau cov tiaj. Kuj yuav tsum tau hwm kom muaj tej chaw ib txhis xeeb txawm no thoob plaws lub zos uas feem ntau yog tsim rau sab qaum zos thiab sab qaum zos rov sab hnuv tuaj hauv Minneapolis.

Muab tej chaw ua si kom txhawb tib neeg siab ntsws, ua neej noj qab haus huv thiab muaj kev koom siab ua ib zej ib zog

Lub neej yav tom ntej yuav tsum muaj kev koj kom txhawb tag nrho txhua tus neeg tuaj koom tej chaw ua si. Hauv lub tswv yim no, chaw ua si muaj txhua yam kev ua si uas ntxim siab, txaus siab thiab zoo neeg siab. Ntxiv mus, lub tswv yim no pom tej yam zoo ntawm tej chaw ua si zoo heev uas muaj tsim tej txuj ci zoo kav tag lub neej mus txog rau kev saib xyuas lub zej zog thiab kev tiv thaiv kev ua txhaum kev cai. Pab Tswj Hwm Minneapolis Cov Tiaj Ua thiab Chaw Ua Si ruaj siab ua kom muaj kev zoo rau cov tib neeg, cov tsev neeg thiab lub zej zog tag nrho lub neej los ntawm tej kev ua si zoo thiab muab kev ua si siv lub cev, kev ua tej zoo nkauj, chaw puag ncig thiab kev sib raug zoo kom haum rau lub zos cov zej tsoom neeg sib txawv. Lub tswv yim npaj kom tsim muaj ib lub tsev khiav kev pab rau cov neeg zej zog kom muaj kev sib cuag thiab kev cuag tau cov neeg pej xeem tseem nyob nrog lub tswv yim qub, kom muaj chaw txaus rau zej zog tsa koom txoos tuaj sib cuag ua ke, thiab kom yog lwm cov chaw ruaj ntseg ua cov muab cov kev pab. Lub tswv yim kuj teeb muaj hom phiaj thiab tswv yim txhawb txoj kev noj qab haus huv thiab hom phiaj pab lub cev kom zoo muaj zog thiab lub chaw ua si koj neeg tuaj sib paub

sib pom.

Tsim cov tiaj ua si kom cob lub zos tus kuj pwm thiab haum rau cov zej zog neeg pej xeem sib txawv

Thaum cov neeg hauv lub zos hloov zuj zus, Pab Tswj Hwm Minneapolis Cov Tiaj Ua Si thiab Chaw Ua Si yuav tsum tsim cov tiaj ua si thiab kev ua si kom yooj yim, ruaj thiab zoo nkauj uas cov pej xeem thiab cov neeg tuaj xyuas nyiam. Kom ua tau raws li txoj kev xam pom, lub koom haum yuav tau mloog zoo zoo, npaj rau cov kev xav tau lawm yav tom ntej, tshawb kev tshiab, thiab nrhiav nyiaj txiag tshiab ntxiv. Pab Tswj Hwm Minneapolis Cov Tiaj Ua Si thiab Chaw Ua Si yuav tau coj kom muaj zog uas tsi ntsees xyuas cov tiaj ua si thiab chaw ua si, qhib siab kom pom dav txog txoj kev yuav cob lub zos, thiab nrhiav cov neeg koom tes uas yuav pab lub koom haum mus cuag lub hom phiaj. Lub tswv yim muaj kev tsim cov tiaj ua si rau cov cheeb tsam hauv lub zos uas muaj neeg coob zus los yog xav tias yuav muaj coob zus. Qhov no yuav muaj tiaj ua si rau cov neeg tshiab thiab pab txoj kev tsim tiaj ua si tshiab. Zoo sib xws thiab, lub tswv yim qhia zoo txog cov yam kev pab uas tsis tau muaj, xws li rau sab qaum zos thiab sab qaum zos rov sab hnuv tuaj hauv Minneapolis. Lub tswv yim kuj xyuas ib lub tiaj ua si txog cov kev pab uas twb yeej muaj lawm thiab cov yuav tsum muaj tshiab. Qhov no yuav pab kom paub tias yuav ua cov tsev tshiab, tshem tej tsev qub los yog tej tsev tsis siv tawm thiab koom tes nrog cov chaw muab kev pab kom tsis txhob muaj ntau tshaj ib lub chaw muab tib hom kev pab twg.

Tswj kom muaj qhov chaw ua si, chaw ua kev zoo siab, chaw zoo nyob, thiab chaw lom zem kom ruaj ntseg

Tswj kom cov tiaj ua si ruaj ntseg Pab Tswj Hwm Minneapolis Cov Tiaj Ua Si thiab Chaw Ua Si thiab cov koom tes nrog yuav tsum muaj kev ruaj siab rau cov cov pej zeem thiab cov chaw. Kev ruaj ntseg, txawv yuav yog tig los yog kev xav xwb los yeej yuav tsum tau muaj kev tiv thaiv thiab kev txhim kho npaj. Kom muab tau cov tiaj ua si zoo ruaj ntseg kuj yuav tsum yog tswj kom cov tiaj ua si du huv si thiab tsim kom muaj kev tiv thaiv kev raug mob yuam kev. Pab Tswj Hwm Minneapolis Cov Tiaj Ua Si thiab Chaw Ua Si ruaj siab los txiav txim ua tej yam kom ruaj ntseg thiab zoo rau cov qhua tuaj xyuas thiab cov neeg ua hauj lwm hauv lub tiaj ua si. Lub tswv yim teev muaj cov kev tiv thaiv uas tsim kev sib raug zoo nrog cov qhua tuaj xyuas lub tiaj ua si, teeb kom coj kuj pwm zoo hauv lub tiaj ua si, muab kev kawm rau cov neeg ua hauj lwm thiab cov qhua tuaj xyuas, thiab tsim kom cov tiaj thiab cov tsev nyob hauv lub tiaj ua si zoo ruaj ntseg.

Txoj Kev Tshawb Fawb

Lub tswv yim yeej muaj cov yam uas lub koom haum yuav tau hloov raws li cov neeg pej xeem hauv Minneapolis hloov txog txoj kev siv cov tiaj ua si thiab chaw ua si. Lub tswv yim no yog tsim raws li kev nthuav sib cuag nrog zej zog thiab kev tshawb fawb. Kuj ras paub txog cov kev hloov hauv lub zos txij li kev kawm tshawb fawb txog lub zos yav dhau los uas yog 1965 Brightbill Study. Cov kev hloov hauv lub zos uas tseem ceeb tshaj rau lub neej yav tom ntej cov tiaj ua si thiab cov chaw ua si muaj xws li:

- Tib neeg hloov: Cov tsev neeg uas muaj tib leeg neeg nyob xwb muaj 27.6% rau xyoo 1960 mus txog 40% rau xyoo 2000. Tib lub sij hawm no, cov tsev neeg muaj me nyuam tau muaj tsawg tsev zus lawm 34.8 % mus rau 25%. Lub zos muaj neeg ntau haiv neeg zuj zus thiab yog ib lub zos rau lwm haiv neeg coob zuj zus nyob.
- Seem kev ua si: Cov laus, xws li cov Me Nyuam Yug Coob Coob Ua Ke (Baby Boomers), siv lub cev ua ub no ntev dua. Cov hluas uas ntaus pob ncaus pob nrhiav kev siv lub cev ua ub no tshaj. Ntxiv mus, cov kev ua si txawv yav thaum ub thiab neeg tsim lawv kev ua si rau lawv muaj ntau zus.
- Seem kev noj qab haus huv: Thoob teb chaws no, kev tshawb fawb pom tias txoj kev neeg rog thiab kev muaj mob muaj nkeeg nce raws li cov nqi kho mob nce thiab. Cov tiaj ua si thiab chaw ua si yog ib qhov tseem ceeb yuav tau txhawb kom neeg ua neej siv lawv lub cev kom txo cov kev txhawj xeeb txog kab mob kev nkeeg thiab txhawb kev pab tiv thaiv.

Cov Nqe Lus Coj

Pab Tswj Hwm Minneapolis Cov Tiaj Ua Si thiab Chaw Ua Si cov nqe lus coj yog lawv lub hom phiaj, txoj kev xam pom thiab cov muaj nuj nqis. Cov nqe lus no txuas nrog lub koom haum cov hauj lwm ntsuas nyiaj txiag, tuav tswv yim, thiab npaj lub tswv yim cov hauj lwm yuav ua mus tsib lub xyoos. Ib leeg, lub koom haum thiab lub zej zog yuav nrog soj ntsuam xyuas kom ua mus cuag lub hom phiaj uas teev muaj nyob rau hauv lub tswv yim no. Cov nqe lus coj yog muaj raws li nram no:

Nqe lus teev lub **hom phiaj** qhia txog seb vim li cas thiaj muaj lub koom haum:

Pab Tswj Hwm Minneapolis Cov Tiaj Ua Si thiab Chaw Ua Si yuav txuag, tiv thaiv, tswj, txhim kho thiab ua kom zoo lub zos cov chaw ib txhis xeeb txawm muaj, tej av tiaj ua si thiab cov kev ua si tam sim no thiab cov kev ua si rau cov neeg yav tom ntej.

Peb lub koos haum muaj los muab cov chaw rau txhua cov tib neeg tuaj mus sib ntsib ua ke, ua kev zoo siab, tau zoo nyob, thiab ua tej yam kom txhawb txoj kev noj qab haus huv, kev zoo neej, neeg kev ua zej zog zoo, thiab muaj chaw ib puag ncig zoo.

Cov nqe lus teev **cov muaj nuj nqis** qhia txog seb lub koos haum ua hauj lwm li cas:

Kev ruaj nrees: Ua tau li cov kev xav tau ntawm cov tiaj ua si thiab chaw ua si tam sim no yam uas tsis txwv cov tiam neeg yav tom ntej kom ua tau li lawv siab nyiam uas kom tswj tau ib puag ncig zoo, kev lag luam, thiab cov yam muaj nuj nqis.

Ib puag ncig: Tuav thiab kho kom zoo cov tiaj av ua si, cov dej thiab cov hav zoo hauv zos.

Kev lag luam: Tsim kom cov tiaj muaj nyiaj txiag los khiav mus ib ntus thiab mus ntev.

Cov muaj nuj nqis: Muaj caij rau txhua tus pej xeeb pab txhim kho lawv cov neeg thiab kev zoo neej los ntawm cov tiaj ua si zoo thiab kev ua si zoo haum raws li lawv xav tau.

Kev Coj Xam Pom: Hwm txoj kev xam pom thiab txoj kev coj uas tsim muaj txoj kev tswj xyuas cov tiaj ua si thiab chaw ua si thiab pom txoj kev uas yuav tsum muaj tus coj mus tas li thiaj ntsib kev zoo.

Kev Ruaj Ntseg: Ua hauj lwm kom txhawb muaj txoj kev ua hauj lwm zoo thiab cov qhua tuaj xyuas lub tiaj ua si txaus siab.

Kev Ua Raws Li Hais thiab Kev Tsim Tswv Yim Tshiab: Npaj thiab ua raws li lub zos cov zej zog xav tau, nrhiav kev tshiab los muab cov kev pab hauv cov tiaj ua si thiab chaw ua si kho kom zoo ntxiv.

Kev Ywj Pheej thiab Kev Tswj Siab: Kev ywj pheej cia Pab Tswj Hwm Minneapolis Cov Tiaj Ua Si thiab Chaw Ua Si tswj siab muab thiab nrhiav nyiaj txiag kom tsim nyog los ua kom tau li lub hom phiaj thiab tsim kom muaj cov koom tes zoo thiab paub hauj lwm.

Nqe lus teev txog **txoj kev xam pom** piav txog seb lub koos haum vam kom zoo li cas rau xyoo 2020:

Xyoo 2020, Minneapolis txoj kev tswj xyuas cov tiaj ua si yuav yog ib qhov chaw txais tos thiab deev cov pej xeeb thiab cov qhua tuaj xyuas siab zoo tshaj plaws. Txoj kev tswj cov tiaj thiab nws cov tiaj zoo nkauj yuav yog ib feem xyuam ntawm lub neej niaj hnub no thiab yuav cob Minneapolis tus kuj pwm. Cov yam ib txhis xeeb txawm muaj, cov haiv neeg kev cai, cov kev ua zoo nkauj, cov keeb kwm dab neeg, thiab cov kev ua si cog txoj kev zoo siab, kev noj qab haus huv, kev txaus siab, kev lom zem thiab kev kawm rau txhua tus neeg. Cov tiaj ua si yuav ruaj, tu zoo thiab ruaj ntseg thiab haum raws li cov tib

neeg, cov tsev neeg thiab cov zej zog nyiam. Txoj kev tsi los txuag av nrog rau txoj kev coj neeg tuaj mus hauv cov tiaj ua si yuav muaj txuas mus ntxiv. Ras paub txog cov muaj nuj nqis ntawm lawv lub neej, cov pej xeem yog ib cov neeg txaus siab hlo saib xyuas thiab yog cov txhawb cov tiaj ua si thiab chaw ua si zoo tshaj plaws.

Lo Lus Cog Tseg

Lub tswv yim no muaj tswv yim tshiab thiab Pab Tswj Hwm Minneapolis Cov Tiaj Ua Si thiab Chaw Ua Si kom kawm mus ntxiv kom muab tau cov kev pab zoo tshaj plaws hauv cov tiaj ua si thiab chaw ua si rau nws cov neeg pej xeem thiab cov qhua tuaj xyuas. Txoj kev yuav vam meej li txoj kev xav yog khi nrog rau txoj kev ruaj siab ntawm Pab Tswj Hwm, nws cov neeg ua hauj lwm thiab cov koom tes nrog thiab kev muaj nuj nqis los ntawm txoj kev tswj thiab txhim kho tshiab cov tiaj ua si hauv Minneapolis.

Nrog rau lub tswv yim no coj, cov pej xeem thiab cov qhua tuaj xyuas cov tiaj ua si npaj siab tau rau lub neej txaus siab heev yav tom ntej uas yuav muaj txhim kho cov pab kom haum li zej zog xav tau, kho tshiab cov tsev, muaj kev sib cuag zoo dua ntxiv nrog ib puag ncig uas ib txhis xeeb txawm muaj, nthuav kom muaj kev ruaj nrees mus ntxiv, thiab kev ruaj ntseg ntawm cov tiaj ua si rau txhua leej txhua tus.